



詒晉齋後集

詒晉齋後集

嘉慶戊辰至庚辰

成親王著

晚秋卽景

最喜愁霖霽兼停羽扇勞微涼生夏屋明月析秋毫水落
鷗逾遠花殘蝶漸高遙看挈瓶者應是貫村醪

鬢絲

鬢絲頻理枕頻欹老愛追思少壯時已覺梧桐踈月露漸
聞絡緯近堦墀光陰夜壑藏舟是筋力秋山策杖知日出
烟消見漁艇十洲風外竹枝詞

苦雨

袖手聽霖雨垣墉日就殘無如秋草惡只剩夜螢乾書畫
焉能曬關山想更難向衰愁腹疾兒女問平安
觀桂壑幽賞

蓮房已復墜波紅幽賞相攜問桂叢萬顆紛垂金粟密一
輪靜對玉奩空頗藏越酒堪娛客且喜吳船未阻風憶得
高旻寺中見綠陰百樹覆花宮蘇軾詩只憐空翠草
以宣德成化瓶插桂枝

小瓶的是宣成物火色銷沈四百年細折桂枝供几硯深
防酒氣屏栢捲自成閒課奔塵外欲遣餘齡細意邊一種
天香赴幽賞莫嘲兒女養風烟蘇軾詩

九日

北里無停蓋西園獨倚樓霞明千里目風響九邊秋故老
多淪落新知少唱酬行年侵六十插菊且盈頭癸丑九日
亭裴子光汪雲壑
三先生登高飲燕

九日懷城南諸先生兼懷穀人先生

沈勝王荅

振衣傑閣攬秋穹地表天涯望眼中塞鴈一行穿冷月井
梧百尺換高風杜陵髮短冠難正張麗陶令家貧酒易空
張佩青自昔城南饒勝賞希蹤前輩在諸公

速客觀菊

十月寒花照眼明霜濃莫遣過時榮濁醪頗具宜斟酌佳
客能來共品評不是愛花忘向老爲嫌遇物太無情并須
小雪江梅候自煮風爐擁篲迎

客問瓶菊耐久之方告之以用炭火輕燒折枝處而
護以黃蠟瓶宜古磁火氣退故也客笑曰火氣退者
亦有用處此可觀也

含情無奈探東籬忍委霜風歎別離何異飛花春事去須
憐插鬢老人癡折枝仔細封新蠟換水殷勤貯古甌駐景

神方憑檢與料量終不抵相思

聞孤鴈

畏冷怯登樓挑燈夜更脩此時孤鴈叫何處萬雲稠筋力
年隨減關山老得休重教動衰聽短夢入邊愁
瀟湘沙水暖爾獨後秋期病羽寒逾弱低雲帶更癡冰堅
乾荻候歲暮滌場時卽幸無矰繳何堪耐苦飢

三河

三河亦是兵爭地城小民貧值歲饑雖喜太平柵鼓臥也
憐遲暮澤鴻飛殘冬望雪雲難合荒野逢人晚更稀况是
沙田秋潦擁白河故道欲全非
少保南軍郊外立旌旗彩色動漁陽寒沙往往尋沈戟故
壘時時見跨墻跨墻築敵臺見本傳已遣二酋來欵塞何期一疏

遠投荒難求望祭鑿閭地鎮薊逡巡又鎮昌

自明中葉望祭北鎮於薊

城今唯一碑在獨樂寺

古詩

歲計乃在春日計乃在寅戶樞鮮腐木瘠土無淫民大藥
非外求松子久欺人勿謂毛髮衰而忘筋力勤
曠觀上壽民恒在農畝旁疾債既不嬰腊毒亦不嘗飽食
而暖衣其心無行妨想中遽傳命此事祇尋常誰能去食
色諒不生空桑無端求長生容有不死方壽命固前定吾
人中自傷

幡幡采瓠葉衆賓酌言酬華堂交履烏綺席羅庶羞儻守
初筵意歡言有餘休恭人慎觴豆脩士凜乾餼酒所不自
持失意忘其由本來無芥蒂積漸成山邱

清晨遡南澗言采澗中芹采采盈頃筐欲獻還逡巡玉食
旅萬方豈無昆侖蘋問子何當爾食美思其親
良魚潛深淵不爲絲餌來鴻鴈飛冥冥弋人徒遭迴彼旣
不我卽將如彼何哉勿以嗛嗛食望報恒逾涯

雕文傷農事錦繡害女紅經禮盛三百亦欲觀國容萬民
無饑寒卽是淳朴風人文苟不敝功同質與忠

殷雷南山陽厥惟諸侯象震驚方百里出不喪七鬯郡守
重於侯郊圻固保障漢文感馮唐雲中起魏尙若使困簿
書牧馬仍南向

嬰兒抱營魄立教函關東漿酒戒岐伯嗜粥明倉公內景
名字紛靈樞鍼石工俱言千歲度同趣三板封天地氣甚
大人在寒暑中誰能出消息獨立亘帡幪不如節飲食存

存以要終

鮑焦無從容人猶不相許公胡竟渡河於義了無取智者
容一失空言復何補君看用馬謖居然違蜀主

別離不可道甚欲話相思及與君相見執手無餘辭珍重
春園花殷勤杯酒持飄風間凍雨花落辭故枝

鳳鳥信靈禽竹實以爲食鴻鴈謀稻粱冥冥避矰弋野田
黃雀飛安知六月息好賢如緇衣肉食乃無墨

繫余席豐厚生不識賤貧雖惜稼穡事習見艱難人撫躬
百有餘但當愛詩書詩書非謀食庶得我生初

穆滿遊物外王母赴瑤池碧藕空千年歸來哀盛姬古有
皇英女望遠多幽思萬萬烟波間浮雲遮九疑

周史喻烹鮮齊相安獄市叶君子貴能勤夫豈不事事衆

人風中波萬心走一利鎮之猶不平揚之助其沸燕處何
超然大哉聖人智思萬萬幽微之間管雲散代錄

良將本無種美哉狄武襄面涅留弗去華胄謝不當如何
雁門郭欲後汾陽王祿大非不朽安恃乃祖功叶譬彼再

實木終焉根必傷類貧報謝蘇事魯貝曠人無限

天地有大義下臣事共主計祿而致身是與君為賈譬之

羞旨甘豈較所哺乳行人官甚卑陸絕命詞何苦督師李

秦膺推輪迎賊劫知府邵宗東雨芬香翰姑妹

幽巖有道士綠髮餐芝栢女蘿翳櫟居煙液萬重積有時
青猿來久矣絕人迹忽聞踏葉聲自言探幽客側身入陰
洞稽首訪羲畫道士蹶然笑辱問闕明白子如未前知何
必言周易乃可尋歸途山深日將夕

季春春氣盛園囿羅百嘉東風無後先芳草連天涯鮮馨
正紛糅老樹亦暫花鳴禽趁清晝蝴蝶如雲霞對景胡不
樂空嗟雙鬢華自八

世儒飾邊幅達士故所哂亦宜養威儀何必越畦畛囚飲
殊未佳裸國孰可忍縱使懷抱奇當令推相準荒客滿百
人豪舉恒離閔

法學失淵源俗吏沿襲非斷獄求其生載在瀧岡碑如何
誤解會五字秘相師救生不救死此語傷天彝明明七殺
條豈可憑單詞死者不能言陰德寧謂斯

縣雷稍穿石單極亦斷幹三五玉鏡滿四七金玦殘光彩
一何疾銷磨良足患飲水不解熱重繭非關寒天風引舟
去蓬山到應難風盪盪此郎神神然然景景真真想想

夙聞師儒言薰風歷鹽池潤物侷熬波是謂身民財既擁
海雲出遂挾山雨來震雷輶其中驚電縱橫飛夏屋且穿
漏汎灑方淋漓嗟彼土室人安能無阻饑
韓起方憂貧樂蠶乃爲汰甲帳饗四夷齊民無藏蓋丞相
不治生蜀土忘其敗洒濯以臨民儉德實唯大
譙國有君子吾希戴安道放達疾如讐禮度嚴自保儻學
西子顰將謂嫫母姣東海殛狂裔兩觀尸正卯彼哉元康
人告退有莊老或謂古有用少正無用正卯者誠是然馬遷孫述葛亮可比引也
伶倫立下管伶束舞日中二人執一藝遭際各不同西方
有美人錫爵言自公
膏以明自煎蘭以香自槁但見邱與墳不見長生草魂氣
無不之誰知故鬼小令聞爲萬年其他無可考

汾陽潰相州武鄉失街亭大賢猶有敗誰能全功名千載
老成人唯有趙營平孝宣誠明主憲侯尤知兵羣言正淆
亂君相無紛更

長風看梅

向老偏宜懷抱開又因腹疾廢銜杯晚來兀坐烟籠月自
起移燈暎早梅

今風看書

燈前細字百無能落葉思刪硯又冰委巷寒更兼短夢卻
煩遮眼到晨興

看雲

一向書窓午夢殘自燒沈水拭銅盤下簾祇爲留香氣出
戶看雲小耐寒

看魚

石盎魚兒靜可憐
風漪寒藻翠如烟
自應雙鬢蕭蕭白
不踏南屏幾十年

甲辰春三月在西湖

看竹

竹竿嫋嫋媚吾廬
弄影迴廊乍有無
勁節貞筠須老大
而今風雪要人扶

看畫

妙畫相投空感惠
老來翰墨漸無緣
卷還也省汗寒具
日弄烟雲憶少年

殘菊

忽忽三時過寥寥
百卉無早梅猶有
待殘菊未全枯密
意垂風幔衰年愛
地爐駐顏偏減酒
且復小傾壺

繁華非所貴冷淡意彌長
不惜百回看為憐三徑荒寒蟹
啼老翠野竹蓋殘黃天意原矜護
其如後夜霜

季秋與睿邸鄭邸小集先月樓

蕭邸樓也

華筵高敞鳳城東
邸第池臺結構工
燕處自超絲竹外
文章已出輩流中
虛慙荒客隨曹虎
竟擬空尊對孔融
禮數雖然寬百拜
獻酬猶有古人風

抱岸危樓迥不羣
清秋暇日接涼氛
蒼烟遠自西山入
綠浪深從北渚分
拄笏俄延濡筆待
得魚笑語隔橋聞
與公後序吾能擬
璽紙還須囑右軍

十月二十五日盆梅開兩花

一自經年別雙花
破曉來風寒雖日
甚天地又春回昨
夜猶相問前村定
未開糟牀剛借得
洗我舊深盃

近有製糟牀者極簡

便借來向未試
而梅適花故及

早梅

水邊曾日報竹外與君期人老別離後眼明相見時層陰
低北戶孤白發南枝歲宴成良覲芳馨慰所思

憶蘭

不見幽蘭在眼前含芬汎影思殷然銀瓶露井農頻汲紙
閣風燈夜自懸堂下靡蕪空夢想山中雨雪可哀憐寒江
何日吳船到暫坐湘靈鼓瑟邊

春風

梅萼含紅卽次開旋呼老僕問新醅墻東古寺鐘聲到知
是春風昨夜來

題漁父圖

斷岸荒碕抱曲流沈沈寒色赴汀洲一江雪暗須沽酒半
夜風生且繫舟釣罷空餘載孤月醒來始覺伴雙鷗明朝
移向前灣去可得斜陽曬網不

蠟梅

磬口連枝密檀心破臘新影輕王氏鳳香烈石家薪恰映
杯中酒還分嶺上春記曾南國見今日看花人

水仙

無語散疑馨幽懷悄目成坐中仙子降門外大江橫已報
蓉旗閃須將桂權迎但聞環珮響靈瑟暮愁生

唐花

唐花羅几席芳氣襲衣襟頗似依温室還疑綴上林風霜
如歷鍊根抵定深沈未有尋香蝶窺窓祇凍禽

豐臺花匠以盆花三種來云一爲蘇梅其花單而小
香甚濃一爲六安梅其花層而大香次之留置齋中

題四十字

隔越雖千里芳馨各一春羈孤遷地客依倚養花人改井
邀新潤同岑悟舊因孤山應獨笑冷蕊自湖濱

其二

豐臺花世業巧可入天工盆火温涼候簷風避就中歲時
羣木落人力萬春融亦有停盃待飛簾杏雨紅

無睡

老人無睡百尋思聽徹寒更枕獨欹我腹何曾挂文字爐
灰猶撥六朝詩

負暄

嚴冬瑾戶掩柴門聚話豐登共負暄野老茆簷無外事貧
家棉襖有奇温
九重懇懇宣官吏八口熙熙長子孫春酒熟時場圃淨太
平何以答

君恩

君恩難其收齊代舉天東封
常課催租不到門比隣欸欸接寒暄風聲却喜窮簷矮日

氣渾輸濁酒温捫蝨談言娛父老謁館供給閑兒孫莫愁
隴麥飛霜壓中有三春雨露恩

又和

勞薪一握入糝盆煖歲家家掩草門暮雪居然尊有酒秋
雷果是稻連村圍爐每憶離鄉客分味偏饒在抱孫轉眼

青青原隰上夕陽牛背近黃昏

秋詠

一葉帶秋飛蓮舟賞已違青莎候蟲起碧樹晚蟬稀懷袖初捐扇邊關欲寄衣高樓宜望遠況此對明暉

孤燈搖綠穗小徑合青莎秋夢因蛩短閑愁敵雨多長年

山木落往事隙塵過若問幽篁下伊人帶女蘿

野渡舟須穩衰年路始難泥行愁獨漉雨望厭荒寒豈不

馳驅慣其如膂力殫天東挂雌霓雲氣又盤桓

小桂生南海移根海舶通開花各早暮日對驗天工香傳

四十里遙憶武當宮卽此軒庭際珍之片玉同

城頭哀畫角城外板橋霜冉冉年垂暮蕭蕭日漸涼春秋

曾一瞬風雨近重陽朋舊嗟零落空餘野菊黃

風月秋旋肅林塘景漸殊葉稀枝影碎潦退水烟孤虛閣延嵐靄輕舟入畫圖吾廬橋外是不用問樵夫

小瓶

小瓶十數宣成製滿插半開岩桂花居然山林在几席縱橫枝葉相交加頗憐涼露不相濕紗幌却把遊蜂遮贏得兒童笑多事深夜一燈煎苦茶

宣成小品三百年青花五采各精妍宮奩粉盃醮壇殘欸識往往書上邊國初雞缸比戶有酒人揮霍未值錢收羅愛惜抵金璧人間不復多流傳

聞鐘

老屋東西隣古寺偏饒夜夜寺鐘聞塵埃倦枕慳新夢意想空山隔舊雲枯葉打窓風浙浙寒蛩滿地月紛紛何堪

萬籟供衰聽併作秋聲了不分
李星八月十五日作
雲淨星稀月一輪吟詩今夜倚樓人
高涵天上三危露冷
壓人間萬丈塵廣殿飄香丹桂迥
清尊對影白頭新壯心
每爲逢辰發秦塞東邊射獵身
予在塞外遇中秋者三十餘年
宣丸落葉
蕭蕭冷雨向疎枝淺淺新霜逗薄
帷湖上秋波來自濶禁
中寒氣到應遲影翻不似春花
落聲急偏於夜燭知寫罷
蘭成枯樹賦虛應遠岫坐移時
豐臺花匠世其業尤善養菊非
唯黃華粉白朱丹無
不有花開圍徑七八寸一發
值可白金十兩富者玩
風月之貧者不及也戲成絕句

可笑陶彭澤東籬風露寒酒猶須
客送花豈辦錢看

題漁樂圖

笞箬提來輕閑煞折脚鐺笞箬
提來重臥翻春酒甕江上
一雙鷗江水拍天流

題山樵圖

春禽鳴嚶嚶引我入雲竇時逢
綠髮人倏去如猿猱日暮
不可留下山紅葉厚

老菊

老菊垂枯慣風日忽聞疎雨滴
初冬急移盆盎回廊外冷
後沾濡不易逢

錦春園 追錄

錦春園裏萬花榮媚景熙陽照
眼明百里蜀岡遙挹翠

渠邗水近涵清猶憐廢砌橫今古頗見幽篁記姓名來日
江船須早放倚欄愁絕暮風生

詠露俳體

寥天炯炯露溥溥荷葉斜傾桂樹團青女未窺唐帝甕碧
桃初墜漢皇壇轆轤井斷雙絲綆閨闔風搖百尺盤只道
瓊樓最高處玲瓏月濕玉欄干

閑詠

直待梅花信全芟菊草叢陽阿那晞髮永夜只號風隱几
聞萬籟隕霜休百工糟牀春酒熟珠斗卽旋東

古意

江南芳草已凄迷樓上粧殘晚日低縱使春風將夢去幾
曾吹向玉門西

薄暮

薄暮無塵事風寒靜掩門舊書燈下讀如與故人言

微雪

飛花迴疑似翦水鎮輕盈曉訝霜飄墮寒憐雨結成微微
疎竹響淡淡小窓明始欲開門看餘霞一縷橫

遲梅

新花應許看春意欲潛回幾度丁寧說何時宛轉來江船
須數問風障合親裁小雪飛還止墻陰埽未堆

漁艇

枯林禿枝穿月影照見平沙閣漁艇霜嚴魚伏水澄空葭
莢低垂石磯冷西巖月墮銜半輪又照敲冰下釣人

晨興

城頭烏起尾畢逋晨光蕩動簾櫳初暎將出兮雞鳴疎彈
冠振衣香一爐衰顏何堪面藥塗頭髮一月凡三梳開門
百事申僮約亦讀淵明寄子書

雪

密霰起寒更凌晨雪遂成高飛籠萬象大地靜羣聲田舍
垂簾意詩人折柬情玉塵風不起漸放晚來晴

雲容

雲容結片陰歲序已駸駸淡日蘇寒泚淒烟緊暮林雪深
宜煮酒鴻遠正鳴琴小閣移時坐幽人感物心

天平山 追錄

天平山上先賢祠萬石林立留人衣祠前草木合恭敬況
是古荆連理枝黃鶯高下引空曲翠壁往復工蔽虧當頭

忽見太湖白春波渺渺無津涯

滄浪亭 追錄

滄浪亭子枕石湖宋賢遺跡俱荒蕪楊花輕輕魚作隊蒲
葉短短鳧將雛薄遊城南趁佳日煙景稍曠笙歌疎歐公
詩話自千古衡劑未肯分梅蘇

甘未觀潮小引 追錄

海風捲雲入車箱白波一綫起東方須臾雪濤萬丈強震
霆倏過澄江光來如戰酣去如忘天地動定非可常端居
未始觀物變小知笑彼圖南翔

梅花餅

花落正愁人餘芬說餅新吳鹽調欲淡越酒點宜醇晚飯
輕抄雪幽人細嚼春誰能留在樹未忍埽隨塵

南池追錄

像設南池在荒濱
艤櫂多諸侯
老賓客關塞
一干戈江上
懷晴雨人間
倚醉歌過賓
須再拜俎豆
映春波

未試自怡變小吟
笑如圖南賦

自笑書成債猶愁
歲欲殘栖遲深
屋底拳曲凍毫
端老眼垂垂暗
名家的的難終
年無合作將底
世人看萬丈
世未稀真鑒吾
唯取自怡鹿材
貪撥悶暮景厭
狗知服散行移
晷焚香坐閱時
八方求道後無
限夕陽遲

紀見

問渡燕郊際
曉行林烟未破
野舟橫孤栖白
鳥驚人起新綠
春波映最明

小園白春郊

小園觀物化
遲日變寒烟
春及無深淺
花開有後先
鳥鳴芳樹裏
人立惠風前
新水盈盈綠
橫塘最可憐

無錫秦園

門榜楹帖多王若霖書

追錄

風利中冷未得嘗
竹爐攜向二泉旁
春茶啜罷渾無事
苦憶琅邪大道王

海寧陳園

庭有舊紅毡其家人云當年演劇處也

追錄

池臺歌舞已成空
一片瓊瑜退舊紅
何事海雲來撲面
垂楊老盡不遮風

雪聲

騰月桐枯竹葉乾
雪聲清夜到疎欄
併憐檐雀啾啾凍
未擬篝燈細細看
張旭三杯慙草聖
孟郊孤劍敵詩寒
來年七十身猶健
但恐微吟句未安

庚辰十一月二日雪

凌晨携杖出西園雲望西山一帶屯麥隴高低都覆露豐年書在道光元

有以左良玉劔來售者繼又有售史太傅硯者皆留之欲各為長歌以紀而老不能矣

太傅一函硯硯匣上鐫太傅將軍二尺劔劔刻崇禎賜甚

欲長歌之才盡筆殊倦水仙臺灣種買栽價能賤懶詠大江橫寒更掛清伴

二世孫成郡王載銳家藏板

